

Dr. Ali Blucin - ruski kovertit u islamu

Dr. Ali Blucin, ruski kovertit u islam: Bio sam svećenik 16 godina, a prije toga profesor filozofije komunizma . Zovem se Ali Blucin i doktor sam filozofije komunizma, a pored toga imam i diplomu političkih nauka. Radio sam kao profesor filozofije u doba Sovjetskog Saveza (SSSR-a), ali u stvarnosti nisam bio ubijeden u ispravnost komunističke misli i vjerovao sam u to da postoji određena manjkavost u toj ideji. Znao sam da ovaj kosmos mora imati svoga Stvoritelja, stoga sam se počeo upoznavati sa kršćanstvom i studirati ga sve dok nisam pristupio crkvi i postao svećenik. Crkva me je kandidovala da budem njen predstavnik u prvom Ruskom parlamentu nakon raspada Sovjetskog Saveza. Tako sam postao poslanik u Ruskom parlamentu s četverogodišnjim mandatom. Nakon što sam završio svoj posao u parlamentu i vratio se u crkvu, počeo sam istraživati i čitati o svim kršćanskim pravcima, istočnim i zapadnim. Tu sam uvidio postojanje čudne kontradikrnosti, posebno kada se radi o ličnosti Mesiha, alejhis-selam (Isusa- neka je Allahova milost i mir na njega), njegovog božanskog porijekla i pitanja trojstva.

Shvatio sam da je takvo ubjeđenje oprečno monoteizmu i razumu. Tako sam se počeo udaljavati od kršćanstva i postepeno sam, dolazio do čvrstog ubjedenja i vjere u to da kršćanstvo nije ispravna vjera, te se više nisam smatrao kršćaninom, nego sam sebe vidio kao monoteistu, ali i ništa više od toga. Činjenica je da je ova odluka bila za mene izuzetno teška, a donio sam je nakon studioznog i detaljnog istraživanja i dubokogn razmišljanja, jer to nije nimalo lahko za onoga koji je šesnaest godina proveo služeći crkvi i istinski vjerujući u to da je prava istina u kršćanstvu.

U tom periodu nije mi bilo poznato da na svijetu postoji vjera koja poziva vjerovanju u jednog Boga. Do tada nisam pročitao niti jednu knjigu o islamu, a što se tiče prijevoda značenja Kur'ana na ruski jezik koji je uradio Karacovski, on mi nije bio jasan niti razumljiv. Jednog dana Ruska televizija je prikazala program obilježavanja Kurban-bajrama u kojem su govorili o islamu i njegovim principima, te da je to vjera koja poziva jednoći Allaha, dž.š. Ta emisija me osvijestila i nakon nje sam osjetio da je koprena koja je zastirala moj razum nestala, a da su se moja prsa u potpunosti otvorila za ovu vjeru.

Tako sam sebe počeo smatrati muslimanom i napisao sam članak u jednom časopisu u kojem sam obznanio svoje prihvatanje islama. Nakon izlaska tog broja časopisa osjećao sam veliku radost i ushićenje. To se desilo prije sedam godina. Taj članak je izazvao ogromnu buku, posebno u crkvenim krugovima jer sam ja bio poznati svećenik koji je imao veliki ugled i povlašten položaj u crkvi. Bio sam i poslanik u parlamentu u ime crkve, a povrh svega toga i predsjednik Vijeća za pitanja vjera.

Printani mediji su prenosili intervju sa mnom, tako da nije bilo časopisa niti novina koje nisu pisale o meni i mom prelasku na islam, bilo da su me branili ili osuđivali. I tako sam spontano postao islamski misionar (da'ija) od prvog dana, pa sam pozvan i u TV-emsiju da bih govorio u vjerskom programu koji je trajao puna dva sata. Pravoslavna crkva donijela je odluku u kojoj priziva prokletstvo na mene i sedam generacija mojih potomaka, a pozvali su sve moje rođake i zatražili od njih da prekinu sve svoje veze i kontakte sa mnom. Činjenica je da je to imalo priličan utjecaj na

moju psihu, tako da sam se osjećao usamljen nakon što je moja rodbina prekinula sve kontakte sa mnom, zatim sam se navikao na to novo stanje, i hvala Allahu koji mi je nakon toga taj nedostatak nadoknadio boljim, mojom braćom u islamu.

Moje informacije o islamu bile su vrlo skromne i sture. Nisam tada znao ni kako namaz da obavim, niti sam znao da je post obligatna dužnost. Ja sam prešao na islam ne poznavajući muslimane koji bi mi mogli objasniti vjeru i ne pročitavši niti jednu knjigu o islamu. Jedino što me je privuklo islamu je čista vjera u jednog Allaha (tevhid). Međutim, nakon toga sam počeo učiti čitajući knjige i uz pomoć nekih muslimanskih da'ija.

Kasnije sam napisao knjigu koja nosi naziv "Pravi put koji vodi Allahu". U njoj sam objasnio svoju priču o prelasku na islam kao i razloge mog prihvatanja islama. Ova knjiga je doživjela nekoliko izdanja i štampana je u sto hiljada primjeraka. Neću pretjerati ako kažem da su hiljade osoba koje se služe ruskim jezikom presle na islam nakon što su pročitale ovu knjigu.

U svojoj drugoj knjizi "Prethodnice (pretpostavke) mnogobostva" sam objasnio tevhid i opovrgao širk. Ta knjiga namijenjena je intelektualnom sloju društva. Treća i posljednja knjiga je pod naslovom "Biblija u očima novoobraćenog muslimana (konvertita)". Ona naučnom metodom odgovara na ono što se nalazi u Bibliji, navodeći citate kršćanskih autoriteta i učenjaka. Pored tih knjiga napisao sam i objavio na destine članaka.

Vodim islamsku organizaciju "Es-Siratul-mustekim" (Pravi put) čije sjediste je u Moskvi i ona je specijalizirana za da'vetske aktivnosti koje se odnose na nemuslimane kao i za rad sa novoobraćenima u islam. Također, imamo i svoju web-stranicu. Pored toga, ja sam predsjednik Udruženje novinara muslimana u Rusiji i savjetnik vrhovnog muftije Rusije za pitanja vjera.